



24. november 2020

Atassut

UKA 2020/69

Bentiaraq Bendtsen Ottosen

**Atuarfik pillugu Inatsisartut inatsisaat nr. 15, 3. December 2012-meersoq naapertorlugu Naalakkersuisut nalunaarummik saqqummiusseqqullugit peqquneqarnissaannik Inatsisartut aaliangiiffigisassaatur siunnersuut. Nalunaarummi aaliangersagaqassaaq nalilersuinermut imersugassamik ilitsersuutitalimmik pilersitsisoqassasoq pitsaasumik nalunaarusiortarnermut ilaatinneqartussamik, meeqqat atuarfianni siulersuisuisut, pisortat ilinniartitsisullu ineriartortitsinerminni atortagassaannik.**

(Inatsisartut ilaasortaq Jens NapâtôK', Partii Naleraq)

Atassummiit pingaartissimavarput meeqqat atuarfiani soraarummeerlutik naammassinnittartut pillugit pitsaaneruserumik atugassaqartinnissaat. Ilisimalluaratsigu sulii meeqqat atuarfiat amigaateqartartoq. Meeqqat atuarfiat nukittorsarniarlugu siunertaqartuarpugut, taamaammatt meeqqat atuarfiat pillugu saqqummiussisoqaraangat 11. Klasse eqquteqqinneqartariaqartoq oqaatigiuarparput.

Meeqqat atuarfiani 10. Klassemi soraarummeeruteqartarnek pitsaasumik ilisimatuussutsikkut kinguneqartartoq ilaatigut oqaatigineqartarpoq, uagulli taamaasorinngilarput. Isumaqaaratta meeqqat atugassaqartinneqarnermikkut naamattumik ilaatigut naammassinnissinnaasannigutsut, tamakkulli pillugit pitsaasutsimut qaffasinnerpaaq atorlugu periarfissanik atugassaqartitsiniarnerput isumaqarpunga aallaaviusariaqartoq.

Atassummiit naammagisimaarinnissimannigilagut ukiuni kingullerni meeqqat atuarfiani soraarummeerutaasunik naammassinnittartut inernerisartagai pillugit, soorunalimi aamma nuannaarutigisarparput angusarissaarlutik meeqqat atuarfiani soraarummeerutiminni naamassinnittartut. Tamakku tamaasa ilikkagassatut siunnerfiit naamassinnillunilu ileqqoreqqusat malitsigisaanik meeqqap ilinniarfimmut allamut alloriaqqinnissaa qulakkeerniartussaavarput, taamaammatt politikkikkut pitsaasumik sinaakkusiinissaq pisariaqalerpoq.

Uani pingaaruteqartutut isigaarput, meeqqap meeqqat atuarfianiit piareersimalluni ilinniarfimmut allanut alloriaqqinnginnermini inuttut inerisimalluarluni alloriaqqittarnissaa. Taamaasilluni politikkikkut qularnaartussaagatsigu meeraq ilinniarfimmut allanut alloriaqqinnissaa.

Taamatut oqaaseqarluta una siunnersuut ataatsimiititaliamut susasaqartumut ingerlateqqipparput.